


第三冊

嘉慶重修一統志

新平知

PDG

盛京全圖



俄羅新界

家古土特界



直隸永平府臨榆縣界

盛京統部表

[illegible]

[illegible]

江龍黑

托婁圖地 托婁圖地 托婁圖地

國界水部

關元中以
其地爲黑
水州尋置
黑水府後
屬渤海

海貢上貢
龜泉府其
東北境即
黑水縣舊
地

換餘路及蘭元路地
華州北境

下
木

卷五十七

盛京統部

卷五十八

興京

卷五十九至卷六十三

奉天府一至五

卷六十四至卷六十六

錦州府一至三

卷六十七至卷七十

吉林一至四

卷七十一

黑龍江

大清一統志

盛京

盛京形勢崇高。水土深厚。長白峙其東。醫閭拱其西。滄溟鴨綠繞其前。混同黑水紫其後。山川環衛。原隰沃饒。洵所謂天地之奧區也。天作地藏。自開闢以來。以待

聖人。我

太祖高皇帝誕膺

天命。肇造鴻圖。始自

興京。撫有葉赫。輝發諸地。遂城界藩薩爾湖。而築

東京於遼陽。天命十年。以瀋陽為形勝之地。王氣所鍾。遂定都焉。

太宗文皇帝底定全遼。築城垣。建

壇。

廟。營

宮闕。號曰

盛京。

世祖章皇帝統一寰宇。定鼎

京師。尊

盛京為留都。監往代兩都之制。設官分職。管轄八旗。

駐防禁旅規模宏遠。又邠岐之地。

橋山在焉。

聖祖仁皇帝六十一年之間。

大駕三巡。

躬修展謁。盡誠盡敬。孝思以申。禮成肆覲。會同有繹。以燕
以賚。中外禔福。闢地自黑龍江以北諸部。及大興
安嶺之外。

世宗憲皇帝善繼善述。添設州縣。增易駐防。

聖謨洋洋。經畫盡善。

高宗純皇帝祇適紹聞。丕繩

祖武。

御極六十年。四謁。

丹陵。用展孝敬。

賜酺。

賜復。

恩澤便蕃。本親。

光揚。

烈之忱。溯。

基命造邦之統。賦有。

陪都之製。舞成。

世德之辭。

奎藻宸章。並光

前列。

仁宗睿皇帝御宇二十五年。兩謁

珠邱。用申

孝慕。蓋自

重熙累洽以來。聲教之隆。文明之盛。固已踰絕域而被殊

方。而

盛京四境。幅員萬里。民物阜康。風俗淳厚。瞻

陵寢之巍峩。仰

宮廷之肅穆。龍蟠鳳翥。佳氣鬱葱。

國家億萬年景祚鴻庥。皆基於此云。

大清一統志

盛京統部

東西距五千九百餘里。南北距五千八百餘里。東至海四百三十三里。西至山海關直隸永平府界七百九十里。南至海七百三十餘里。北踰蒙古科爾沁地至黑龍江外興安嶺俄羅新界五十一百餘里。東南至錫林特山朝鮮界二十九百餘里。西南至海八百餘里。東北至海四十餘里。西北至蒙古土默特界六百九十餘里。自盛京至京師一千四百六十餘里。

分野天文箕分野析木之次

爾雅。析木謂之津。箕斗之間。漢津也。漢書

地理志。燕地尾箕分野。連西遼東。皆燕分也。樂浪元菟。亦宜屬焉。又自元四度至斗六度。謂之析木

之火。燕之分也。晉書天文志。遼東西入尾十度。樂浪入箕三度。元菟入箕六度。唐書天文志。箕與南

斗相近。為遼水之陽。

畫朝耕三韓之地。

建置沿革古冀青二州之城

奉天屬青。錦州屬冀。通典。高貢曰。海岱惟青州。

孔安國以為東北陳海。西南平海。此則青州之地。
東跨海矣。其界蓋從岱山東應密州。東北經海曲。
萊州。越海分遼東樂浪。
三韓之地。西抵遼水也。舜分冀州東北為幽州。
集傳。舜分冀東北為幽州。青州東北為營州。
無間之地。為幽州。青州東北為營州。通典。鄭康
成云。舜以
青州越海。分置營州。其遼
東之地。宜為貢青之域也。夏省幽營。并為冀州之
域。商為幽州營州。周初為幽州。時肅慎國在其東
北。朝鮮國在其東南。實兼冀營二州地。同為幽州
境。戰國時遼河左右屬燕。秦置遼東遼西二郡。漢
初因之。屬幽州。武帝元封四年。拓朝鮮地。增置真
番臨屯元菟樂浪四郡。昭帝始元五年。省真番臨
屯入元菟樂浪郡。其東為高句驪。
復漢書。高句驪在遼東之東千

里。南與朔州。東與代郡。北與大餘接。北為夫

武帝滅朝鮮。以高句麗為縣。使屬元菟。

餘挹婁諸國地。復漢書。夫餘在元菟北千里。南與

婁古肅慎之國也。在大餘東北。十餘里。東濱大海。南與北沃沮接。後漢建武十三

年。以遼東屬青州。二十四年。還屬幽州。安帝時。增

置遼東屬國都尉。漢末為公孫度所據。

魏志。度分遼東郡為

遼西中遼郡。置太守。自立為平州牧。度死。子康嗣。康子淵自立為燕王。景初二年。司馬懿擊滅之。度

以中平六年據遼東。王洲三世。凡五十年。魏克之。置東夷校尉。治襄平。

而分遼東元菟樂浪昌黎帶方五郡為平州。後還

合為幽州。晉咸寧二年。改遼東為國。昌黎元菟帶

方樂浪仍為郡。均隸平州。太興二年。為慕容廆所